



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XXVIII. Concilia an habeant formam Iudicii, an Inquisitionis?

urn:nbn:de:hbz:466:1-11726

da & agenda, est pascere: at hoc est Pastorum: Eph. 4. *Posuit alios Pastores & Doctores.* Ierem. 3. *Dabo vobis Pastores secundum cor meum, & pascunt vos scientia & doctrina.* Porro tales sunt Episcopi. Act. 10. *Attendite vobis, & uniuerso gregi; in quo vos Sp. Sanctus posuit Episcopos regere Ecclesiam Dei,* id est, docere pascua, quæ bona, quæ mala.

2. Quin Melanchthon in *Loci c. de numero Sacramentorum*, & Caluinus *Inst. l. 4 c. 14 §. 20* Ordinationem Pastorum qui dedicantur ad docendum, referunt inter Sacramenta Ecclesiæ. Neque hoc Sacram. esse voluit commune toti Ecclesiæ, sed solum ad id initiatis. Atqui Laici non sunt ordinati Pastores: ergo docere autoritate Concilii eorum non est.

3. Ita Sancti Patres, & Praxis continua.

4. Quia Ecclesiastica & publica ab Ecclesiasticis & publicis tractanda sunt: at tales sunt Episcopi, non è vulgo Clerici & laici. &c.

RESPONSIO ad Rationes prædictas patet exdictis.

AD I. Eo in Concilio interfuerunt Apostoli, ad Definendum: Presbyter, ad consultandum; laici, ad audiendum.

AD II. Comititia generalia Principum totam Rempubl. repræsentant; neque ramen quilibet interesse debent: Ita nec Conciliis.

AD III. Causa fidei ad omnes pertinet; sed non eodem modo nam ad Prælatos, ut ad Doctores; ad ceteros, ut ad discipulos: Ut vincere est exercitus; ducere Ducum; militum pugnare. Vide *Bell. l. 1. de Conc. c. 16.*

Q V Æ S T I O XXVIII.

Concilia an habeant formam Iudicij, an Inquisitionis?

LUTHERVS in *Afert. art. 29.* CALVINVS *Insti. 4. c. 9. §. 2.* BRENTIUS in *Confess. Wirtembergica.* KEMNITIUS in *Exam. 4. Sess. Conc. Trid.* Concilium est Inquisitio solum: Christus verò solus, eiusque Verbum Scriptum, habet suffragium decisiuum: Sæpeque vnum sequendum potius, pro quo stet Scriptura, quam totum Concilium: Ideo licet cuique examinare Concilia, & ea sequi, aut relinquere. Ideo, ait Lutherus art. 115. ex quingentis: *Res insana est, Concilia statuere, quid credendum; cum sæpe nullus ibi sit, qui diuinum spiritum vel modicum olfecerit. Ut contigit in Nicæno, ubi statuebant, ne status Ecclesiasticus sit in matrimonio. Ibi iam omnes erant falsi. Vnus procedit Paphnutius; refutat hoc; quod non esset Christianum. Tunc oportuit Concilium desistere.*

AUTOR. Solum Iudices, non Conciliarii, sunt in Conciliis Episcopi. 1. Sic Scriptura. Vide in *Antichristo meo p. 2. q. 9.* 2. Sic Concilia statuunt tum facto ipso, quod anathema dicunt non obtemperantibus: tum Scripto; nam ita subscribunt: *Ego N. definiens subscripsi.* Denique contradicentes pro hæreticis sunt habiti: Disputare igitur est quidē doctorum quorumcunque; at suffragari & definire, solum Episcoporum. Sæctarii verò Hoc quærunt, ne quæstiones finiantur, durante circa Scripturam litigio.

DICO autem narrationem de Paphnutio incertam esse; ut ignotam prius scriptoribus. 2. Dein; ille restitit ante definitionem factam, non post: Nec audiri debuit, iuxta Sæctarios; quia Scri-

Aa 3 ptu-

pturam non allegavit. 3. Demum, interdici noluit vltum vxorum ante Sacerdotium aut Professionem ductarum; sed postea. 4. Adde: Idem Concilium can. 3. contrā statuit, quam sentiant Luthero caluinistæ: scilicet. Nedomi habeant Sacerdotes foeminas, nisi matrem, sororem, vel amitam.

Neque Papa tenetur sequi partē maiorem suffragiorum vt Præses: quia est Princeps Concilii absolutus, non Præses solū; ab illo autem pendet confirmatio decisionum.

Q V Æ S T I O XXIX.

*Præsidere Concilio cuius est proprium?
Et quibus conditionibus?*

LUTHERO-CALVINISTÆ contendunt esse Imperatoris solius, aut eius Legati: Ita Magdeburg. Cent. 4. c. 7. Caluinus Inst. 4. c. 7. §. 1. Molinæus, Brentius. &c.

S V A S I O N E S afferunt vanas, apud Bellarminum c. 20.

A V T O R. I. Nullus Papa generalibus orientis Conciliis interfuit per se, sed per Legatos: Et Imperator Episcopos conuocabat præcipiendo; Papam verò inuitabat. Cur? An, quòd Caput sequi membra indecens? An, quòd Imperator sedem teneret in iis primam; etsi non vt Iudex?

II. Papa iure solus præsidet Conciliis. 1. Quia ipsi dictum, *Pasce oues meas*, vt Pastori Pastorum. 2. Ita praxis habet. *Act 15* Petrus in Concilio primus surgit, loquitur definit: omnes aut S. Hier. sententiam eius sequuntur. Sic in octo generalibus Concil. vsitatum à Papis, apud Bell. l. 1. de Conc. c. 19. Menda-

cia Luthero-caluinistarum vide in *Anti-papista mend. part. 2. q. 3.*

I I. Si quando Imperatores, aliue seculares appellationes, liteſque admiserint in causis Ecclesiasticis; nunquam eiusmodi iudicia pro legitimis sunt habita.

I V. Plebi item nunquam in publicis Conciliis aut Disputationibus permittum est iudicium publicum de fidei Quæstis: Priuatum suum semper cuique liberum fuit. Ex quibus historica patent mendacia Sectariorum.

I I. LUTHERO-CALVINISTÆ requirunt tales Concilii Conditiones. 1. Vt irritentur Acta Tridentini.

A T, prius legitimo iudicio condemnatur, alio antè Concilio examinatum.

II. Concilium fiat in Germania, vbi litte exortæ sunt.

A T, non fiat ibi, vbi hæretici prævalent.

III. Papa nec indicet Concilium, nec præsit ei.

A T, in possessione huius iuris iam fuit ab 1500 annis.

IV. Sententiæ ferantur è sola Scriptura, non ex Traditionibus aut Canonibus.

A T, ita nunquam ad finem controuersiarum perueniretur.

V. Decisio fiat iuxta Scripturam, non iuxta pluralitatem suffragiorum.

A T, Scriptura vtriusque prolata controuertitur.

VI. Papa absoluat Prælatos iuramento, quo sunt obstricti ad fidelitatem.

A T, tunc prius deberet legitimè deponi.

VII. Confessionistæ ius habeant æquè ac Papistæ decidendi sententias.

A T, reorum est accipere, non ferre

ſen.